



8 №

урасьом 6 лун

2015 во

Литературалы сиём во



Гижысьяс Куратов сиктын 2014 во.

2015-од восö Россияын шуöма литература воон. Литератураныс гөгөрвосьö зэв паськыда — тайö миян классикъясон лосьöдöм гижöдъяс, тайö öния гижöдъяс: висыгыяс, повесыгыяс, мойдыяс, кывбурьяс, сыланкывьяс, пьесаяс, казтыломъяс да с.в. Литература сөвмö быд лун, и гижысьяс пуктöны ассыныс сямлунсö, сьöломкылöмсö, енбиалунсö, мед эськö сьöлом да вежөр пыр лэдзöм гижöдъясныс лоины матыссаось да донаось лыддысьысылы, кодi вермас босьтны наысь мыйкö зэв коланаос.

Гижысь лосьöдö-чужтö вель гижöд, сэтшöмös, куштöм эз на вöв некытöни. Но сийö оз сöмын асылыс гиж, но сетö-петкöдлö мöд мортлы, лыдды-

сьысылы. И некор оз тöд, ёна-ö сьлөн гижöдъяс колöны йöзысылы, вөрзьöдасны-ö сьöломсö мöд мортлысь, лоасны-ö сылы донаон да мусаон.

Миян коми кыв вылын вель гижöдъяс петöны «Би кинь» да «Войвыв кодзув» журналъясын, «Йöлогa» да «Коми му» газетъясын. Ассыныс кыв шуасны миян нималана гижысьяс, кыдзи Нина Куратова, Владимир Тимин, Василий Лодыгин, Виктор Напалков, Алексей Попов, Александр Ульянов, Евгений Козлов, Михаил Елкин, Олег Уляшев, Александр Шебырев, сiдзжö и томджыкъяс, кодъяс бура нин петкöдчисны гижан уджын: Нина Обрезкова, Елена Афанасьева, Анжелика Елфимова, Алёна Ельцова; и медся томъяс, кодъяс босьтчöны на тайö уджас, но нимъясныс тiянылы ёна нин тöдсаось: Алёна Шомысова, Алёна Старцева, Люба Ануфриева, Ольга Баженова да мукöд.

Дерт, литературалон воö гижысьяс тöдмöдасны лыддысьысыс вель гижöдъясон. Но тайö воыс инмö оз сöмын налы, но и став йöзысылы. Таво колö став вежөрнад и сьбломнад шыöдчыны литература дорас: челядылы и верстьöлы ёнджыка лыддысьыны, босьтны вель тöдöмлун, öд литература аслас мөгөн пуктö мортсö сөвмöдöм, бурö велöдöм, ловнас кыпöдöм. Ме чайта, быдöнлы колö ветлыны библиотекаö, босьтны вель небöг, лыддыны роч да коми классикъясöс: А.Пушкинöс, М.Лермонтовöс, А.Чеховöс, И.Бунинöс, Л.Толстойöс; коми кыв вылын И.Куратовöс, В.Чистяковöс, В.Савинöс, М.Лебедевöс, В.Юхнинöс и, дерт жö, öния гижысьясöс. Тайö и лоö миянлөн литература воö пай пуктöмыс.

Елена КОЗЛОВА,
Коми Республикаса
гижысь котырöн веськöдлысь.

Йөланас йитчө кык лов

Корөся кодзув
Усьома Лямпя туй бокö.
Быттьокö пывсянысь кайигөн
Чилгöма кодкö.

Шпыннялö тöлысь.
Вердаса чужöмыс сылөн.
Нюрсмунтöдз кольöма
Ещö кык вежон.

Ризъялö Йöра.
Майбырöй, Йиркапысь пышйис.
Вöралысь весьшөрö
Му вылысь корсьö.

Висер весьтын шывгö асья ру.
Ыджыд видзяс дзевсьöмабсь лönяс.
Сідзкö, менö лешак оз на ну,
Кытчöдз вййим видзись кыя вөнъыс.

Енмöй,
Эм-ö?
Пемыд, Пемыд.
Протожалас пыстöм емыд?

Пыр кывзi кок шы,
Но дырджык жö эн лок да,
Мöд ваö сунси.

Веж бадь пу ваын
Сялькöдчыштö. Бузъялö
Дзор юра коз пу.

Сöдз ватö юи
Öтчыд сöстöм юкмöссьыд,
Да нуйтыс вөрзис.



Снимоксö вöчöма Архангельскын мойгысь Степан
Писаховлы сиöм памятник горын.




Тельскөдчө чери,
Кинялө зарниа съом,
Сявкйоны войтгяс.

Веж асъя кыа
Войбыд тэкөд виччысим.
Сьод кымөр кыптис.

Кольквиж розаяс
Вайи ме тэд, а чайтi,
Зарниось найө.

Бизьөдөм лолөс
Кытөнкө виччысьө мөд.
Мый сылы колө,
Ачыс на весиг оз төд.
Йөланас йитчө кык лов.

Ноддяй ваймө.
Войсө видзис да шонтис.
Асъядор ыркыд.
Виччыся шондi петөм.
Ноддяысь шондыд бур.



ЙӖРДАН

Тувсов тӧвруӧн лолӧс

Калялӧн чунькытши

Менам йӧрданӧ ичӧтик. Но сӧни видза дзонь олӧм. Ӗни сӧсь киам веськаліс лӧбачлӧн кольча. Калялӧн чунькытш. Сійӧс видза дзолядырсянь нин. Ӗтчыд помнита, айӧ петкӧдліс тайӧ кольчасӧ меным. Шемӧсми сӧки, ӧд эг тӧд, мый лӧбачьяслӧн овлӧ чунькытш. Дерт жӧ, айӧлысь юаси каля йывсьыс. Сійӧ вештіс видзӧдлассӧ бокӧ. Ме чайті, чӧвлуныс лоас помасьлытӧм. Но сӧсся айӧ петкӧдліс кольчасыс пасйӧд:

051974ZOO.LMUSEUMGOPENHAGEN.

Да, ылі муысь воӧма лӧбачыс. Ми кӧсйим ыстыны чунькытшсӧ Копенгагенӧ. Но эз артмы.

Корсюрӧ кажитчӧ меным: тайӧ кольчаас олӧ калялӧн лолыс. Корсюрӧ кыла сылысь горӧдчӧмсӧ, ӧд каля эз удит йиджтыны ас пытшкас кельыдлӧз енӧжсӧ. Корсюрӧ паныдавла сійӧс вӧтын. Аддза, кыз сійӧ пукалӧ ю дорын... сӧтшӧм аслыспӧлӧс... сӧтшӧм ӧтка...

Еджыд каля, ме думысь, вайис войвылӧ ас муысь дона юкӧнтор. Но войвыв муыс мырддис сылысь сӧлӧмсӧ. Мичсьыс. Смеллунысь.

Любовь АНУФРИЕВА

Важъя перна

Коркӧ дзоляӧн овтӧм керкаысь аддзи важъя перна. Сійӧ торъяліс мукӧдсьыс: гӧгрӧс, сӧдасьӧма неуна, шӧрас — крест. Куті кыин да мӧвпалі, кодлӧн тайӧ. Сӧсся бӧр пункті, а, гашкӧ, и эг — ог помнит... Колис кад. Пернасӧ сӧсся эг аддзыв, и юрӧ абу кольӧма, кутшӧм жырйысь ли дозйысь сюрліс. Коркӧ неважӧн корси, но киӧ эз и во... Но ме сійӧс помнита и век на эска, мый коркӧ аддза!.. Зӧв ӧна эска...

Василий ЧУПРОВ

Шылада куд

Шылада кудйын олӧны челядьдырысь медся югыд казтылӧмъяс. Арся вӧрӧд келалӧм — пуяслӧн шувган сьыланкыв. Медводдза вуграсьӧм — ва тыра дозйын черилӧн тельскӧдчӧм. Вой кыа видзӧдӧм — рытъя енӧжлӧн гыалӧм. Кодзув гыалӧм — сӧлӧмын чужӧм ыджыд кӧсйӧм. Медводдза радейтчӧм — тувсов тӧвруӧн лолӧс малыштӧм... И ставыс тайӧ бергалӧ ӧти шыладын. Гортын пыдӧ-пыдӧ дзебӧм кудйын.

Алёна ШОМЫСОВА

малыштөм...

Посни сёлөм

Төндзи босьта нылос садйысь. Став челядыс ворсöны, а менам копыртчöма муланьыс. Кора: «Варя!» Сийö öдйö чеччö да котöртö мелань: «Мама, видзöд, тайö сёлöмъясыс тэныд!» Ачыс радсьыс-рад. Восьтö ки пыдössö, а сэни төричалөн (пастушья сумкалөн) уна-уна кор. Ки пыдос тырыс посни сёлөм...

Меным кудйөн лоö Варялөн кийс. Сылөн радейтана: «Мама, тайö тэныд!» То еджыд гөнтор, то из, то нинöмөн торъявтöм дзоридз. Менам небыджд радлун... И сылөн...

Төрйича... Мый новлөддлсны татшöм сумкаясын ичöt пастушкаяс – пöлян? Нянь шөрөм? А мый новлөддам ми пастук сумкаясаным?.. Öнйя кадö?

Ирина КАЛИНИНА



Татьяна ШАХОВА

Туйпом



Ыбдор грезд Ларисалы дыр эз во сьолөм вылас. Юыс ылын, гожомнас он на гортад моз здукөн пожъясънытө котөртлы. Ытва дырйи эськө сикт дорөдз ваыс волө, но кор ямас, дышман ю дорөдз лэччыны.


Свадьба, коми ногөн, пир ли көлысь, вөлі куим лун. Сикт джынйыд, дерт, бергөдчис сэні. Том йөз магнитопон улө, олөма-яс гудөк улө бурпөт йөктисны да ливкйөддисны роч да коми сьыланкывъяс.

Өльөксан верөсыс төлка, уджач, трактор вылын муркөдчө. Но Лариса кык каганад ёна мыр-сьыны оз удит. И челядсьө, Мишөос да Машөос, видзны мамыс отсасьө.

Өльөксанлөн сьолөм косътысьыс школасянь Марина вөлі. Армияө сійөс кольөдіс, сьод синвайн бөрдис — тушыс бан бокөдыс лэччис. Лариса ачыс аддзвліс. Кык воыд абу уна, но карын велөдчигөн Марина аддзис выль зонмөс да кольччис сэтчө.

Шогсъыштис Өльөксан армиясь локтөм бөрын, но сэсся клубын гажъяс дырйи матөджык төдмасис Ларисакөд. Во джын кольөдчисны да и гөтрасисны. Но кызди мича лунө сьод кымөр кыпөдчывлө, сэсся гымөн-чардөн муркөдчө, шливгө, сідзи и йөз олөмө волө пемыд кад. Талун на быттё ставыс лючки-ладнө, а аски вермас гудыртчыны, и кык морт дугдөны гөгөрвоны өтамөднысө. Тадзи муртса эз ло Өльөксана-Ларисаа костын





кольём гожём помын. Праздник луно кындзи ютём Ольёксансянь Лариса кутіс кывлыны вина дук, да удж бѳрас верѳсыс кутіс сѳрмыны гортас. Регыд мысти ичмонь тѳдмаліс, мый нылыскѳд карысь локтѳма Марина, верѳсыскѳд юксѳѳма, бать-мамыслѳн пѳлѳс кильчѳа важ керкаас овмѳдчѳмаѳсь. А сѳсся Ларисалы кывсис, мый Ольёксан корѳма сельсѳветысь брус: дерт, кѳнкѳ, Маринылы кильчѳѳтѳ вѳчны. Сиктын и майѳгыд пеля, и кодсюрѳлѳн вомыс шердын пасьта. Вежѳтѳмыд абу буртор: Ларисалѳн киас нинѳм эз кут ѳшйыны, юрас ѳтитор бергалѳ, Ольёксанѳс воштыны полѳ.

Рытгорув Ольёксан воліс гортас да бѳр кытчѳкѳ мѳдѳдчис. Гусьѳнмоз Лариса вѳтчис сы бѳрся, медым дзыкѳдз нин тѳдмавны, кодарын вошласьѳ верѳсыс. Туйпом вайѳдїс сиктса шойна дорѳ. Ольёксан мыйкѳ мошкоритчис, а Лариса кыйкъяліс льѳм пу сайсянь. Кад кольыштѳм бѳрын Ольёксан пуксис мамыс гудорса лабич вылѳ, судзѳдїс пызан увсьыс сулея, кисьтїс стопкаѳ, юис да бѳр дзебис дозсѳ. Сѳсся недыр мысти чеччис да мѳдѳдчис сиктлань. Лариса петїс пу сайысь. Ольёксанѳн вежелѳм выль крестыс вѳлі душ-мѳд, быдлаын ним-вич-ов бѳрын пасйѳма — участник ВОВ.

Гортас гозья костын лои сѳрни, кодї дзыкѳдз пуктїс майшасьѳмлы пом.

Гымалѳм да зѳрѳм бѳрын мыччысьѳ шондї, быттѳѳ нинѳм эз и вѳвлы — косьмѳны шорьяс, нюмьялѳны йѳз. Олѳмад оз позь тѳрмасьны. Колѳ кывзысьны сьѳлѳмыдлысь, но и вежѳр сертиыд овны. Керыштны ѳдйѳ, а йитны ѳна сьѳкыджык.



Серпасыс Ыньлѳн.

ВЫЛЬ НИМ

Ольга Андреевна Лютоева чужис 1985 воын Кулёмдін районса Улыс Воч сиктын. 2009 воын помалис В. Т. Чисталёв нима культура колледж. Öнi велöдчö КГПИ-са филология факультетлөн 3 курсын. Медводдза гижöдъяс йöзöдiс Кулёмдін районса «Парма гор» газетын. Вылыс Воч школаын кагульничайн уджалiгөн нин босьтчис йöзöдчыны «Би кинь» журналын. Унджык гижöдсö сиöма челядьлы, быдтöны верöсыскöд куим ныла-пиабс.

Катшасинъяс

Ольга ЛЮТОЕВА

Тi адзылнныд коркö гожöм шöрын еджыд-еджыд видз, быттö выльöн усьöм лымйöн тыртöмашылыкнитöма сийöс? Тайö дзордзалöны катшасинъяс. Радейтчысьяслы медся колана дзоридзъяс. Муса дiнö мунiгөн зонмыс нетшкас катшасинсö, а нылыс бöрыннас пукалö да лыддöдлö комиён, радейтö али оз, а гашкö, и рочöн: «любит не любит». Перкiйö дзоридзлысь сыръяссö да лэдзалö кок улас. «Любит» кö, чеччалö-радлö, а «не любит» – бандзибöдыс шорөн тюрö синва. Со öд кутшöм дзоридз, катшасин. Вермö и бöрддзöдны, а радлунсö мыйттöм вайö.

Коркö важöн, во дас сайын, вöли татшöмтор. Сиктса зон вайис муса нылыслы моздор тырыс катшасин. А нывлөн радыс! Öти вазаö букет эз тöр, да йöv сысьялан куим бутыль на ковмис мамыслысь корны. Асывнас ныв чеччис, а дзоридзъяс öшинь вылын абуöсь. Бöрддзис, а сесся мамыслысь юалис:

– Мамук, кöни менам дзоридзъясöй?

– Тэ, нылук, пöчыдлысь юав, – нурбыльтiс мамыс.

– Пöчук, кöни менам катшасинъясöй?

– Кутшöм тыр сюсь татшöм колана дзоридзсö öшинь вылын видзлывлö? Гозъявлi да сарайö косьтыны öшли. Оз нин меным му вылöдз ков вундыны кайлыны, аски ешö вайышт. Тайö öд зэв колана дзоридз, уна висьöмысь бурдöдö. Колöкö, аслыд на ковмас, сийö медбур лекарствотолы паныд мунö.

Пöчыс важöн нин абу, а сарай сёрйын век на быдсяма туруныс да кос дзоридзыс öшалö. Сэни жö и мичсö воштöм, рудовгöрд катшасинъяс – том кад да пöчыс йылысь казътылöм.



*Серпасыс Максим Михайловлөн,
«Коми Республикаса искусство гимназияын» 6 «в» классын велöдчысьлөн.*



Редколлегия:

Елена Афанасьева, Юрий Лисовский, Алёна Шомысова,
Галина Макарова, Мария Игушева.

